

皇明經世文編

皇明經世文編卷之三百九十四

華亭

徐孚遠閣公 夏允彝環公

編輯

陳子龍卧子 宋徵璧尚木

宋存標子建參閱

王文肅公文集

勅諭

王錫爵

勅諭朝鮮國王一道

勅諭朝鮮

皇帝勅諭朝鮮國王李暉，昨者王以大兵驅倭出境，還歸舊國，上表進方物來謝，朕心深用嘉悅，念茲復

國重事，不可照常報聞。今特遣使降諭，仍賜王大紅蟒衣二襲，綵段四表裏，以示朕惓惓爲王遙慰之意。顧朕又惟該國雖介居山海中，傳祚最久，昔在前朝未沾王化，尚能拓地守險，雄視諸夷。今爲我朝春秋貢獻之邦，以世世憑席寵靈，蓄養財力，宜益強富。乃近者倭奴一入，而王城不守，原野暴骨，廟社爲墟，追思喪敗之因，豈盡適然之數。或言王偷玩細娛，惑羣小，不恤民命，不修軍實，啟侮誨盜，已非一朝。而臣下未有言者，前車之覆，後車可不戒哉。惠徼福於爾祖。

及我師戰勝之威，俾王之君臣父子相保，豈不甚幸！第不知王新從播越之餘，歸見黍離之故宮，燒殘之丘隴，與素服郊迎之士衆，噬臍疾首，何以爲心，改弦易轍，何以爲計。朕之視王，雖稱外藩，然朝聘禮文之外，原無煩王一兵一役。今日之事，止以大義發憤，哀存式微，固非王之所當責德於朕也。大兵且撤，王今自還國而治之，尺寸之土，朕無與焉。其可更以越國救援爲常事，使爾國恃之，而不設備，則處堂厝火，行復自及，猝有他變，朕不能爲王謀已。是用預申告戒。

以古人卧薪嘗膽之義，相勉其尚。及今息肩外侮，再展國容之時，撫瘡痍，招流散，遠斥埃，繕城隍，厲甲兵，實倉廩，毋湛於酒色，毋荒於遊盤，毋偏信獨任，以闕下情，毋峻刑苦役，以叢民怨。庶幾殷憂憤耻之後，先業可興，大仇可雪，此則斷自今存亡治亂之機，在王不在朕，王其戒之，慎之，故諭。

擬進征東

勅諭疏并

勅諭二道

東征勅諭

臣等近日，連接遼東征倭之報，雖喜再戰大捷，漸逼王京，然我軍死傷亦自不少，仍聞王京近城之地，松

林茂密，馬不得馳行，水田低窪，人不得用武，加以疫癘盛行，糧草不繼，客兵未集，新賊轉增，大有可隱憂者。臣等昨得經畧侍郎宋應昌謂目前勢難長驅，已成持久待時之局。萬一師老財匱，軍心動搖，恐他變因之而生，東虜伺隙而動，是代爲朝鮮受兵，而內地無安枕之日也。臣等竊爲此懼，因思大兵旣發，難便撤回，惟有添兵增餉，以壯士氣，布德施惠，以安人心。庶外可令倭虜伐謀，內可令將帥鼓勇，謹僭擬傳帖二道，一諭征東將士，一諭戶兵二部，伏乞 聖明裁

定施行。皇上勅諭東征將士，頃者倭奴猖獗，攻陷朝鮮，朕遠惟東人，後后之思，邇切內地，地震鄰之慮，肆彰天討，授鉞徃征，賴爾等將士，齊心用力，不避艱險，先收平壤，再捷開城，朕深嘉爾等之功，所望尅日蕩平，大加陞賞，茲聞天時漸熱，水潦不收，賊衆尚多，城守方固，重念爾等懸車深入，急難全勝，飢寒暴露，疾病死傷，勢所不勉，朕用是痛心流涕，卧不安寢，已令所司亟發銀十五萬兩，賞赴軍前，從宜犒賞優卹，仍一面行山東等處，召商糴粟，方舟而下一面行浙江

等處徵兵選將分道而前務使爾等財力有餘得以  
安心戰守早夷大憝永靖邊疆爾等尚亦宜體朕遠  
懷勉圖報稱垂功名於竹帛流福蔭於子孫欽哉故  
諭諭戶兵二部目今倭賊大衆占據朝鮮與遼東接  
壤朕以門庭切近之憂命將出師勢非得已適見經  
略宋應昌奏稱兵力單弱糧草不敷恐有踈虞前功  
盡棄你每職司兵食義當并力一心共濟國事所有  
合用糧草戶部一面發銀或從山東海道召商高價  
糴買或就近輸運務使東征四五萬人可穀半年之



用兵部一面督催新調精兵前往接濟征勦其見在  
久戰傷殘及馬兵不習地利者行令斟酌退回務使  
餉可資兵兵不糜餉早平大寇庶寬朕東顧之懷其  
或彼此互相推諉以致緩急誤事責有所歸故諭

疏

論邊事疏

虜情

奏爲約陳安攘定計以分主憂事臣于前月卧病中  
聞西虜內犯勢甚猖獗續聞 皇上召諭閣臣之語  
所以策虜情邊事者要若破的明如觀火臣聳聳餘

生知無以仰贊萬一獨念 皇上留臣專爲憂慮而  
責臣專以分憂臣雖病不敢不極其愚慮爲 皇上  
一言蓋臣惟方今文武內外之吏名實異同之間與  
古事相反者三古謀國之臣無事則深愛有事則不  
懼故山濤謝安迄安晉室以經營之與鎮定各當其  
時也今則不然自虜歟二十年來吏恬卒玩甲敝戈  
朽晏然無復守戰之備及其一旦封豕生心鳴鏑內  
嚮則當事者亡羊補牢亦猶未晚而舉朝震怖惶憂  
止辦嗷嗷追尤首事此一反也古策虜之臣縉紳守

和親介冑言征伐。雖各膠柱一偏。然文武隨其事任。勇怯量其膽力。廟堂自可折衷用之。今則不然。武官在樊下求安。專籍欵闕之利。文吏在隙中觀闕。爭談出塞之功。賈勇不在邊境。而在朝廷。禦寇不以甲兵而以文墨。此二反也。古當機制變之臣。或胡越使之相救。或父子不嫌異趣。今則不然。諸邊以彼此支吾爲熟套。以日月玩愒爲良謀。傳相慕要。翕然同風。而獨遇緩急重難之事。則隔垣內外。便分爾我。如扯酋一人。在宣大則力保其無他。在甘肅則以之爲誅。

首犯邊一事。在西人委東則曰爾何不招。在東人委西則曰爾何不戰。皆逋責於已而嫁禍於人。此三反也。今經略大臣業有專遣臺諫諸臣之疏。且次第酌行。臣不敢再條便宜。猥瀆視聽。獨前所謂三尺者。乃安危得失之大機。廟堂擇之不可以不精。持之不可以不定。而就中緊關切要之計。決當以經營鎮定。相兼而行。然所謂經營者。不在臨敵倥偬。調兵易將。在知彼知己。知禽知縱。毋示人以拙而已。所謂鎮定者。不在矯情倉卒。賭豎清談。在緩急有次第。措置有精。

采，毋示人以怯而已。臣竊觀目前跳梁之虜，惟火首  
一枝，顯然逆天。自弃斷斷乎不可收拾。若其他或在  
陰陽逆順之間，或在觀望反側之際，形狀未露，則不  
妨廣布威信以招之。羽翼未成，則不妨多行間諜以  
散之。雖良平復生於今日，察彼已之勢，審禽縱之宜，  
其策必不出於此。而臣之所憂者，獨恐將吏以忘戰  
之久，而畏事之甚，苟聽要挾急圖招撫，使驕虜反持  
中國之權，武吏反襲漢儒之論，則其患有不可言者。  
故必廟堂氣先定，謀先審，毋動搖於流議，毋怵惕於

近憂逆命之誅先首惡而後脅從。馳詞之使先約戰而後議撫。重懸賞罰使將官之勇氣先振而後使文吏策其便宜。嚴責推諉使諸邊之血脉先通而後使本兵課其功實。經營在此鎮定亦在此。如必以一鎮有事使四鎮同時樹敵。一歲有警乃盡掩二十歲保境息民之功。盡更將吏盡絕諸夷。盡掃先廟大臣馬文昇王瓊等老成持重必然之畫。則非病臣所敢持。空喙而保借前箸而籌者也。方今諸邊戰士有幾。習虜敢戰之將有幾。安攘之計獨有一面推擇新將。又

一而策勵舊將。一而調集客兵。一而招募鄉兵。然一時部署已覺落落難合。况轉餉誦於歲儉。發帑困於國虞。萬一諸酋瓦解。該邊四面大征。則我之拙形盡露。何以支撐。故臣以爲不如且從容寓戰於謀。藏拙於巧。威之以先聲。示之以不怯。莫遽爲張皇自擾之狀。其經畧大臣。旣奉有 特旨。全付之以諸邊重擔。則廟堂但當總其大綱。授以大指。如虜久則我之指麾當愈暇。虜去則我之隄備當愈嚴。虜驕而挾賞。則我之拒捍當愈堅。虜懼而乞哀。則我之牢籠當愈密。

而至於瑣細節目。隱微情狀之間。則機關在彼。中功效在事後。自當一切寬假。以觀其運籌調度之何如。若預掣其手足。而遙制其事權。適足爲邊臣藉口。迺責之資爾。今之議者。獨引宋人以和自愚之說。殊不知彼出關奉虜。此開關款虜。彼稱南北兄弟爲敵國。

張文忠云。非恃不忠。亦不智。

此稱臣納貢爲屬國。古今強弱之勢。原自絕然不同。況彼以積威而致敗。此以懲敗而養威。有如今日改弦之後。士馬誠練。糗糒誠充。備守誠設。斥埃誠謹。則國家之全力。故在持尺一以受降幡。豈亦可與北庭



歲幣南宋偏安。同日而語哉。此臣所以謬爲三反之論。而約以經營鎮定之二言。蓋欲少省議論。使當事者可以措手。而不欲盡廢責成。暫寬文法。使文武同心。人人可效死。而不欲遂墮軍實。使文武相仗。人人可逃死。惟 皇上留意裁擇。臣不勝幸甚。得 旨。覽

卿奏具見謀國忠慮。邊務重大。兵機秘密。須要臨事鎮定。及時經營。豈可倉皇紛擾。因循畏怯。這所議着各該經畧督撫等官。查照舉行。毋得虛文推諉。兵部知道。

陳東西款貢疏

東西款貢

此等疏皆鑿然而又遠謀徐慮其能陳于廟堂

題為遠臣戀主特陳邊遺憂以決大計事臣之感誠

之上者乎

忠款已具前疏六條中尚有國家大憂安危可計不可不盡言者臣竊惟方今邊事正在可為而不必強為乃議者爭言二十年貢市以來虜日益驕各邊備日益弛臣以為此皆有之然自古豈有全利無害之事亦豈有莫徹首尾之人趙克國班超一去邊而諸羌瓦解當時並未嘗追尤首事矧今保安邊境二十年木久而蠹絃久而危乃固然必至之理豈可謂一

哽一咽。遂當廢食。惟在講求簡練。賞罰必信。順逆必明。則三年之艾。尚可得厝火之憂。尚可解。此臣所謂正在可爲者也。昨尚書石星與臣言。今之邊事。乃唐事。非宋事。臣深服其言。請遂以唐事論。方回紇叛盟。蹂掠我奉天涇陽。杖殺我命使。郭子儀再出師禦之。一則戒軍吏不得言戰。逼之出境而止。一則親入虜中。握手定盟。呼可汗萬歲而止。今將非有子儀之威。而虜非有回紇之桀。彼其肯消阻閉藏。以言歎我。而我必欲悍然厲齒。把其前負而責之曰。爾何不斬火。

真頭以獻。是樂羊殺子之忠也。又曰爾二月約歸。何不歸。是尾生抱柱之信也。如此號令。如此題目。譬之清淵布網。魚鱉寧復敢投。此臣所謂不必強爲者也。從來番漢講和。豈有百年。臣之所計。固亦謂權忍。頃更期於必絕而已。絕一也。而諸臣之論。則以爲早絕。一日可以快一日之憤。耻臣之論。則以爲晚絕。一日可以落一日之便宜。夫便宜非偷息養安之謂也。諸邊之不競久矣。將少食少兵少。非倉猝可辦。故不若趁彼徘徊塞外。信使往來之間。而一面陰脩戰守之

備。然則彼歸愈遲。我應愈暇。彼以款愚我。我亦可以款愚彼也。或有難臣者曰。若是則遲之可矣。而尚書鄭洛之。日夜求虜。不已急乎。臣以爲此非求也。割土地輸金寶。尊醮而禮之。扶服而叩之。乃真求矣。今虜聲恐喝。淡面羈縻。實不費國財。名不辱國體。何以爲求。即使洛而果求也。則桓桓。赳赳之夫。乃落得借他人之齒牙。以措自己之手足。人勞而遺我以逸。人弱而遺我以強。則洛也何乏於諸臣之事。而哢哢爲哉。或又有難臣者曰。夫待講而後修備。則未講之前。水

泉莽川之二捷。獨何備而能然。臣以爲此皆執之有名。據之有勢。彼客而我主。彼驕而我怒。彼曲而我過不先。故一舉可以勝之。今川底廻遠。未聞侵犯。則主客之勢殊矣。而彼懲於敗。方日夜枕戈防我。則驕怒之情異矣。據前後夷書見在。乞哀請路。並無反形。則我復憑何名。而遽絕之。曲直之理分矣。臣故曰。借講而修備。或又有難。臣者曰。然則虜終不歸。終以言款我。則我終當聽之乎。臣以爲正不在汲汲聽之。何妨且必無此理。馬瘦可待壯。草長可待枯。夏秋之後。更

以何辭臣前晚絕之說正待此也。或又有難臣者曰：待久而事機已壞，不可收拾，則柰何？臣以爲凡已壞之事，不可收拾，且如鄭洛先主戰，而諸臣却欲撫，此則撩虎出山，無弭耳遂馴之理。若羈縻在前，決絕若後，譬之掬水覆之地而止耳，本無壞事，何難收拾。或又有難臣者曰：然則何不聽鄭洛諸臣言戰言撫，各行已志之爲兩全？臣以爲安危之機，間不容髮，夫言戰可也，言戰而必欲先破，言撫之論，使老成長慮之臣，一面防虜情，又一面防人情，一面憂同事之不信。

又一面憂 朝廷之不信。譬之使船中流而遇風。篙師柁工。狼狽無所措手。而國家之事危矣。或又有難臣者曰。虜易與耳。卽舉事一不當。而何至於危。則臣以爲古之易虜者。王安石韓侂胄賈似道三人。及其後如之何也。大抵虜性無常。好則人。怒則獸。彼其內絕市賞之望。而外負我以不直之名。窮狼怒虎無復顧忌。泰山在前。蚩尤之頭可觸也。而徼外雜虜。聞之亦且寒心。魂魄以 朝廷之恩信。爲不足恃。五合六聚。兵絀而不解。然則國家之事本非宋。而好事者日

聖明有人



趣之入宋耳。可不為之深慮哉。或又有難臣者曰。夫

才又不如準之

慮危是矣。有如虜再款。而我再如二十年前事。歲歲

增賞以媚之。尾閭之洩。何時可已。臣以為向來增賞

雖誤。然亦會虜中無釁。不能屑屑與爭。今事當更始。

明旨既已譙讓一番。則乘其恐懼。要以定約。已賞已

加之外。不許另索一縉尺帛。而將吏有私加媚虜者。

罰之無赦。此改弦易轍。百歲一時也。或又有難臣者

曰。如此而虜必就約。固甚善。即不就約。則我終以將

少食少兵少。怯而不言戰乎。臣以為此又當以義理

利害論。有如虜果就約。則我雖有十萬橫磨甲。必不可先失大信。掩其不虞。卽不然而嫚書鳴鏑之事起堂堂。天朝寧復可以劔鈍而諱割。矢弱而廢射也。或又有難臣者曰。然則主晚絕之議者。不能保將來之必不戰。戰不能保必勝矣。早與晚等之無全策也。何以偏是。此而非彼。臣以爲事無全利。前已言之。若防敗而不免於敗。則天也。若本不敗而觸之使敗。則非天矣。今諸臣偏好言宋事。臣又請以宋事論。岐溝之役。樞密院主戰。中書主守。澶淵之役。王欽若主絕。

王旦寇準主和熙和之役。王安石等主進取。富弼力爭。以爲干戈一起。禍福不細。勸且十年不復用兵。今千載而下。觀之利害得失何如。且他人勿論。卽如富弼之偏偏爭獻納。非今羣議以爲赤幟者乎。夫一使之勇。孰與萬全之謀。而今之言弼者。偏不及此。是知其一而不知其萬也。先是陝西總督缺出。臣卽以魏學曾薦。故尚書宋纁謂臣曰。吾觀目前邊才。無過鄭洛。恐學曾前輩重望。必不肯爲洛下。不如俟洛功緒稍見。而後用之。今纁雖死。而都御史李世達。不亦嘗

聞之乎。不意纒之言。至今猶驗也。臣素敬學曾之爲人。剛方嚴介。惟恐其不早用。今方用而遂駁臣議。朋友忠告。人情所難。而陝西巡撫葉夢熊。臣亦嘗耳剽其膽勇。會以爭事。見嘲於四川。不忍遂挫其舞劔擊楫之氣。匆匆議調。臣實與聞。茲夢熊又見告矣。姍笑鄭洛爲無能矣。蓋學曾臣所重。夢熊臣所奇。然謂學曾忠於臣等。則可謂夢熊敢於向前。則可謂二臣必不誤國家。則不可。方今各邊之備。莫如修守。督撫之職。惟在朝經暮營。某邊置戍。某邊給餉。何計不煩內

帑何策可支百戰。此亦儘勾二臣廢事矣。乃不揣其本。惟其末之求。舍己之事。而惟人田之務芸。臣且不暇與夢熊辦。姑就學曾疏中。所謂小犯小禦。大犯大禦。近理之論質之。夫小犯大犯。豈可先圖。有如今日小犯。明日大犯。西邊小犯。東邊大犯。而纍纍調發。七塞盡騷。以待數年之久。臣恐時移事變。兵敝民殘。學曾能保目所見。亦能保目所不見否。能裹革橫草。以致其報國之身。亦能神輸鬼運。國家之財力否。當宋太宗全盛之世。而趙中令之諫開邊曰。所得者少。所

失者多。非惟得少之中。尤難入手。又從失多之後。別有關心。何至今日。乃空拳空手之皆兵。而百戰百攻之必克耶。臣此言一出。則議者又以爲臣褊心。不能容人。不知偏心人臣之小過。誤國人臣之大戮。臣親薦此二臣。有如一舉蹉跌。貽萬世之悔。是誰人誤國也。草莽已去之身。所惓惓憂念。無大於此。敢直舉千慮一得。步步踏實之事。以禪廟略。以釋群疑。惟皇  
上留聽無惑。社稷幸甚。

定國論一政體疏

國論政體

奏爲恭陳泰交要務以定國論以一政體事該臣病乞骸骨伏蒙 皇上特諭勉留所有一念狗馬餘忠謹蓄以待青蒲之對至於國論政體所在願與大小臣工剖心滌慮以共成蕩平正直之治者請得頌言而陳之臣幸得與諸臣立不諱之朝事 明聖之主以至人無擇言言無擇官皆得揚眉吐氣論天下事豈非甚盛雖然言太輕則浮太煩則亂太執則頗太深則刻就此甚盛中亦不無大可憂者臣之所憂不爲臣亦不爲諸臣獨念上下相信而後政事可脩相

重而後論說可入，今言不已而漸輕，輕不已而漸厭，使君父視外廷之論奏如買豎之爭言，因一人而疑衆人，因一事而疑衆事，上下之際，無復相信相重之意，後雖有忠言讜論，亦將格而不入，此臣之憂也。古稱有對則爭，與爭則黨立，雖聖明在宥，萬不至如前代之黨禍。然朝中議論已分兩岐，恐因水火之爭，致成左右之袒，此以彼爲邪，彼以此爲邪，使天下之士智力殫於相伺，名望損於相詆，即使一彼一此，一勝一負，朝廷亦止得一半人才之用。若始於



兩持。終於兩敗。不但人才盡壞。亦且國體大傷。此臣之憂也。上有所處分。而下未必服。則其勢必爭。下有所爭執。而上未必亮。則其勢必處。處之而仍不服。爭之而彌不亮。則處者益處。爭者益爭。下以忤上爲高。上以反汗爲耻。上下相激。何事不有。譬之水然。波方起而擊之。以石則其躍彌高。譬之石然。方出於火。而卽沃之以水。則其壞彌速。此又臣之憂也。大抵數年議論。始於相矯。成於相激。事未必平。是以有激。激之一字。卽爲不平。彼旣不平。此復相矯。前弊雖矯。後議

復生議數更而難窮法數更而難守事數更而難睹  
其效人數更而難課其成政事不脩紀綱不振皆始  
於此今習尚已成極重難反既不當激之過額又不  
當峻若防川則莫若導之使言而總之使一竊謂題  
覆宜慎聽納宜公甄別宜先勘核宜審向者皇上  
嘗嚴出位之禁矣臣以爲此不必禁也古人所患於  
盈庭者第以莫執其咎耳如使言有歸着事有總萃  
則雖盈庭何害臣請一切章奏悉下部議是曰是非  
曰非可行卽行當止卽止以言責事以事責功卓有

執持毫不假借使天下議論總條貫而歸六部六部  
題覆別白黑而定一尊嘉言用之足爲益而妄言置  
之不爲損則在廷議論更患其少耳所謂題覆宜慎  
者此也孔子曰君子不以言舉人不以人廢言兩者  
低昂之間實相爲用乃臣見近來聽言之弊往往不  
問其所言之事而先揣其所以言之心故上之視言  
愈賤則下之挾言愈貴其寃也上不勝下賤不勝貴  
而聽言與用人卒兩不得其平臣以爲鄉有鄉評官  
有官箴使其人不肖朝廷原自有黜陟之權而何

必於聽納之時。逆意深求。如此。自今請一斷於孔子之說。就言論言。不主必賤。就人論人。不主必貴。使士絕踰涯之望。則無所爲而言自公。朝開翁受之途。則無所激而氣自平。所謂聽納宜公者此也。天下之人品不齊。迹同心異。言同行異者。誠不可不辨。然必先。用其賢。而徐簡其不賢。亟暴其長。而薄責其所短。然後衆心愧服。物論自平。乃臣又見近來淹棄諸臣之中。蓋有素心馴行。卓然流俗之外者。而或屢推未報。或一斥不復。朝廷既不盡得真才之用。而天下且

得借爲議論之端。此所謂推波助瀾。澄之愈濁。不若盡捐前件。以次特表用之。庶幾舉直而枉自錯。忘我而人自安。所謂甄別宜先者此也。朝廷用舍。多憑舉劾。任已則耳目不廣。任衆則毀譽易淆。比年以來。幾於朝無完人。人無完行。言者以爲必有。辨者以爲必無。當事者不復窮詰有無。但爲調停量處。若其事果虛。則是近在輦轂。猶有不自白之冤。若其事則既聞於朝廷。豈有不行之法。近時法紀縱弛。勸懲不立。人才缺乏。推用不敷。弊率由此。請諭廷臣。以後

論人者。須的列年月。明指左驗。下部查勘。務求確實。實者。理法自甘。虛者。心迹自白。被言者。虛實既定。言之者。是非自明。所謂勘核宜審者。此也。凡此皆所以導之使言。而總之使一。以至臣所以自處處人者。亦敢聞於皇上。而併以告天下。以與士大夫更始。夫威福還朝廷。政事還六部。此先臣徐階之言。而臣夙所服膺者也。然部臣之題覆。閣臣之票擬。皆共此一事耳。所事一君。所理一事。豈得自分彼此。唐介今則惟談于不聞。不見以為異。日知所之。地矣。有言。身在政府。而事不預聞。卽上有所問。何以爲對。

臣既謬在此地。一切政務。豈得全不與知。然事各有主者。亦非臣所敢自擅。大興革。大利病。當亦不妨商確。就臣所見。未必盡是。各部院叅酌事理題奏。不必盡以徇臣。就部院所見。聞有未是。臣叅酌事理。請旨裁決。亦不必盡徇各部院。事有可否。事過卽休。言有同異。言過卽休。總之期於至公至當。共濟國事而已。史稱諸葛亮爲相。集衆思。廣忠益。布所失於天下。謂僚屬曰。諸君能攻亮之過。則事可立也。臣雖不敏。請事斯語。自今以往。敢謂無過。如其有過。便當與天

下明白見之。與天下明白改之。人以平心易氣言之。臣以平心易氣受之。臣素有淺中狃狹之名。未必一旦化而爲雅量。顧今事任及身。茹荼知苦。竊以爲朝廷所與共理天下國家者。大臣及百執事耳。心。須。耳。目。耳。目。湏。手。足。今。手。足。仇。耳。目。耳。目。又。仇。心。心。與。耳。目。手。足。相。仇。而。身。受。其。病。臣。誠。不。忍。以。臣。等。之。爭。而使病移於天下國家。又誠不忍以天下國家之事。爲臣等私事。而使扶持國體。調燮人情之勞。反盡委之。君父。且天下有真是有真非。是中有非。非中有



是不講自明。愈講愈不明。不爭自定。愈爭愈不定。故臣願先自處於不講不爭之地。以成大臣小臣比肩事主之忠。事理之亂。當責之於臣。臣之得失。當付之天下。已有未當。卽當舍己以從。人人有未確。不妨舍人而從理。此外嘵嘵。苟非有大撓時政。大惑人心者。請一切以諸葛亮之言處之。此臣所以報國家而忠皇上之職分也。抑臣又自惟臣等。以二三寒士。參預政務。惟藉皇上之知遇。故其體隆藉皇上之明斷。故其事舉。譬之星然。依天而高。依日月而明。當其

上列則有光芒。及其下隕。與石無異。若使官禁隔於  
邃。嚴威顏違於咫尺。雖鈴閣之下。卽同外臣。有何機  
略。而能康濟。有何倚恃。而敢主持。且君臣相隔。上下  
不交。伏禍隱憂。難以言悉。卽 皇上神聖獨斷。群下  
莫敢窺然。以此爲法。後世必有受其弊者。天下見臣  
等。備員輔弼之司。而終歲不一蒙接。過則安得不輕。  
宮府隔絕。而茫然不知事之所出。則安得不疑。喜怒  
有時而不測。則乘不測而疑。章奏有時而不報。則乘  
不報而疑。閣臣處見輕見疑之勢。日凜凜救過不給。

安能展布四體以佐聖政萬分一哉伏望皇上  
勤批荅以明聖斷平喜怒以調群情時御朝講以  
圖政理而決壅蔽臣等亦得依末光奉隆旨以盡  
款款之愚忠若猶政事不修朝廷不治則治臣之  
罪以彰其慢惟皇上一加意於臣言臣於前月中  
已進有召見一摺方屏息俟報而特恐倉皇造膝之  
頃不能盡所欲言是用竊取周易泰交之義略陳要  
務如此蓋主與臣交大臣與小臣交常事者與言事  
者交皆所與共成泰道以定國論以一政體者也臣

不勝悚息願望之至、初九日奉 聖旨、覽卿奏知卿  
爲國忠耿、持論公平、大有關於時務政體、係朕躬的  
朕已知道了、其餘該部院悉心確議、着實舉行、以成  
蕩平之治、

答問東事疏 朝鮮兵事

題今日文書官李祿口傳 聖旨、問朝鮮倭寇、已於  
四月十九日離王京、如今已過一月、如何不見下落  
欽此、臣等敢不直述所聞以對、看得倭奴大衆、久屯  
王京等處、其實欲占據朝鮮、漸窺內地、圖望甚遠、蓄

謀甚深、幸賴我 皇上獨奮乾剛、大彰天討、各文武將吏、奉廟堂之成算、乘戰勝之餘威、因而馳遣辨士、說諭歸巢、仍間離其僞帥、豈行長清正等、於是群倭勢窮膽破、委於前月十九等日、絡繹王京而南、今已行過四五百里、節經巡撫、經略等官、塘報皆同、而該部亦已據之 上聞矣、但昨日又得一報、謂倭雖已盡數發行、而在路每人徒步擔五斗之糧、其行甚遲、日不勾四五十里、又聞自王京至釜山、半路之間、却又停止、此必其真遊也創建土城、塞柵爲久居之計、不知其意何爲

道遠信稀。臣等無憑臆決。然大約不過三端。其一則  
因入海無船。故暫住傍山一帶之地。以便伐木造船。  
畢後過暑而行。其二則因關白在對馬島。或尚未稟  
命。不敢輕歸。或已經稟命。被其中止。皆不可知。其三  
則又聞朝鮮人積受荼毒。欲乘此遠歸。飢乏之際。追  
襲報仇。臣等竊料倭中必有耳目。因知此信。所以欲  
行復止。立寨自防。凡此皆不與中國之事。遲速進止。  
難於取必。乃臣等獨憂我兵怵於浮議。昧於大體。有  
如見利而動。亦爲朝鮮人所爲。則不惟自虧大信。其

曲在我。抑恐遠追窮寇，全勝難期，已經節次貽書，經略阻之。想此時已到彼中，或可及止也。輒因下問，備細陳答，以寬聖懷。再惟兵家進退，每決機呼吸之間。今該部見有議撤，召募南兵，及處分緬夷事情，皆關係軍機緊急之務。若臣等票擬未當，聖心不妨隨意轉改。若別無商量，乞卽賜發下，以定邊計，以安人心。伏惟聖明裁斷施行。

皇明經世文編卷之終

皇明經世文編卷之三百九十五

徐孚遠闇公 夏允彝瑗公

華亭

選輯

陳子龍卧子 宋徵璧尚木

宋存標子建參閱

王文肅公文集

疏

王錫爵

請處降倭疏

降倭處置

題近該朝鮮解到降倭二十名臣等昨相約會於射  
所同九卿等官面審其情臣等每親問之據通官逐



句傳報云、倭寇有十萬是真、前被我兵在平壤等處  
殺去二萬餘、尚有五六萬、見在釜山停住、又問其何  
以不去、倭酋關白尚在否、荅云、彼衆不知、只聞關白  
之子已死、又問何以歸降、荅云、彼畏中國兵威、欲來  
報效求用、又問其此來諸人歸降、莫爲倭奴作奸細  
否、荅云、並不敢懷此心、臣等再三研審、委無別情、隨  
與兵部尚書石星商議、今此降倭、俱係壯丁、宜并前  
八十四名、俱發送宣大薊鎮、各邊收養、以備禦虜之  
用、臣等切見自有倭變以來、有言朝鮮之救、爲舍已

之田。芸人之田者，有言倭本無多，不足慮者，有言倭三四十萬者。總之道路隔遠，傳聞不的，故衆言淆亂。

徒惑觀聽。今此番降倭解審前來，詳問明白，可見倭

救屬國實所以自救善守有守之門戶也。

奴本情實欲占朝鮮，以窺中國。中國兵之救朝鮮實所以自救，非得已也。其倭衆之多少，總不如所聞之

言。要之屢敗之後，其氣已衰，不足爲深慮。但昨又見

經略宋應昌塘報云，倭將行長已去復來，隨而攻刺

全羅道，則夷情尚不可測耳。臣等與本兵商議行令

宋應昌、李提督嚴整兵馬，防扼要害，儲蓄糧芻，爲相

持之計。彼日久乏食。自然遁去。務保萬全。決不敢遺  
皇上東顧之憂。伏望 聖心寬慰。

請減免織造錢糧疏

減免織造

該昨文書官杜茂口傳 聖旨。蘇杭織造錢糧拖欠  
數多。有司何不催徵。臣等當即將該地方連歲災傷  
民間困苦。有司催辦不前之狀。略節向杜茂口陳。令  
其據此回奏。猶恐未確。謹再瀝危誠備訴 皇上之  
前。臣等謹按江南財賦。甲於天下。相傳國初時 太  
祖高皇帝。因憤百姓爲張士誠固守。抗拒天兵。賊平

之日。遂將富民租簿定爲糧額。累朝二百年來。頭緒轉多。如王府糧。練兵銀之類。但有加派。並無寬減。連年以來。雖因水旱頻仍。每下蠲緩之令。而蠲租止於存留。已屬虛名。緩徵併於別年。反滋擾累。此小民之所以貧苦無聊。痛心疾首而嗷嗷思亂也。然外亂不生。則內亂或可潛弭。江北稍熟。則江南尚可息肩。今狡倭窺境。剝膚將及。以至沿海地方。無地不增兵。無兵不添餉。其勢不得不取足於民。而徐揚之間。方數千里。滔天大水。廬舍禾稼。蕩然無遺。其勢又不得不

取償於江南。此如一絲之繫鍾鼎。其危且急何如者。若不及今將養。有如外倭內盜。乘間而交發。其巨萬供億之費。更將于何取之。朝廷雖有粟如山。有金如泉。一時不能救飢民之命。滿驕兵之腹。其禍蓋不可勝諱者。何況今日太倉錢糧。出數倍於入數。如都御史褚鈇所開。更有上下極窮之會。京邊交困之秋。而可不早留此子遺之民命。以爲緩急支持之計乎。皇上未見其形。請察其影。撫臣朱鴻謨代劉應麒催徵者也。科臣王德完。以應麒催徵爲是者也。今緩徵

之疏且一上而再上矣。彼豈其任怨于始而市恩于終。蓋實有萬分不得已。疾痛慘怛。不得不仰而呼

天耳。大抵方今國患在於民窮。民窮由於財盡。其始

也有司猶可以箠楚之威行於小民。撫按猶可以叅

切中今日情事

罰之令。行於有司。今民至困而箠楚無所加。則有司之技已窮。有司窮而奉行不能前。則撫按之技亦窮。至於撫按窮而詔令格而不行。則部院之技亦窮矣。然漕糧金花之類。原係緊要上供。不可以窮爲辭。至於蘇杭之織造。江西之磁器。雲南之取金。在皇



上省之。如千箱之失。梯米而在。小民得之。如枯槁之  
獲再肉。爲人父母。又何愛一絲一縷。而不以活赤子  
旦夕之命也。今春臣錫爵之母北來。至天津等處。親  
見道上纍纍。賣男女之民。有索銀五七分。棄子而去  
者。臣母爲之痛哭。稍施錢周之。觀近京之民如此。則  
遠京之民可知。觀賦輕之地如此。則賦重之地可知。  
又況于上有不可忽之天變。下有不可緩之河工。前  
有不可恃之昇平。後有不可知之事變。誠拯溺救焚  
事在至急。浣衣投杼。未足謝民。而何忍更以餘財餘

力責此額外之供也。且臣等又聞上供一分。民費三  
倍。民出數金。害及數家。天下之勢。岌岌至此。不可不

深思。不可不痛念。又今軍興費繁。寧夏之師。已耗去

今軍費冠一二患。共費可勝計乎。

百餘萬。度朝鮮功成。與各處募兵造船之費。又不下

百餘萬。群臣束手。計無所出。昨者工部請御庫銀數

十萬兩。賑濟淮揚。臣等不敢主張。仍下戶部議處。夫

內庫久積之銀。外廷猶欲請發。豈有外庫額外之銀。

內廷尚可宣索者。伏乞 皇上慨然將今歲買辦銀

二十萬兩。盡數傳免。以救目前燃眉之急。少俟盜息



民安。賦充費省。再行斟酌取之。不特挽回天和。消弭國患。而皇上藏富官民之間。增光恭儉之德。又乘此萬萬壽稱觴之日。以當萬萬人歡頌之聲。真所謂散小儲而成大儲。以惜福而更益福也。

勸請賑濟疏

賑濟

題適文書官杜茂口傳 聖旨將河南巡按御史陳登雲封進。飢民所食鴈糞示臣等觀。臣等不勝哀痛。不勝慘慼。竊念民窮至此。真從古未有之變。惟幸皇上憂勤之念。上格 皇天惠鮮之澤。下逮鰥寡。庶

可以回和氣而收人心，不至釀成大亂耳。近者喜見雨澤連綿，又聞山東河南等處俱已霑洽，此亦是麥秋佳兆，飢民可望全活。但目前難處，而戶部更難處，蓋先時飢荒，或止一方，而今則各處告災，雖江南亦不全熟，米價皆踴，糴販爲難，此一苦也。先時各邊止有年例，今加以寧夏朝鮮之變，例外費過三百萬內，帑耗竭，勢不能無米而炊，此二苦也。先時荒而不亂，則發賑之外，遂可坦然無憂，今群盜四起，該部一面賑飢，又將一而爲軍興之備，此三苦也。先時戶部用

訕則太僕銀可借。南京糧可借。今馬價銀已發盡。而借支於草料。南糧又方備。江南兵變。不可多發。此四苦也。先時各布政司府州縣。各有贓罰等項餘積。今取解一空。有急盡靠內帑。此五苦也。先是民間殷富事例一開。則奔走上納。今例既開盡。而大戶多爲官吏刻削。無復餘外。此六苦也。六苦之外。又有別項河工募兵等費。臣等倉卒不能悉舉。百姓雖窮。勢不可以國財盡耗於賑濟。卒有他變。干係不小。臣等忝得登雲之奏。尚在未聞遣官放賑之先。則此時 聖恩

宣布或恐別是一光景不可知且候鍾化民績有報來倘彼中荒亂如故則臣等更無他法惟有盡辭俸薪以助貧民而亦望 皇上暨兩宮各院量發內藏十分之一分投布施此急救生命卽所以自積已福也且此舉一倡則中外百官萬民皆將興起好善之心而捐俸損資者不賞而勸矣奉諭覽卿等奏朕知道了昨者朕覽飢民圖說時有皇貴妃在侍因問說此是何圖畫着死人又有赴水的朕說此乃刑科給事中楊東明所進河南飢民之圖今彼處甚是民飢

荒亂有喫樹皮的，有人相食的，故上此圖，欲上知民  
飢荒亂，速行蠲賑，以救危亡於旦夕。皇貴妃聞說，自  
願出累年所賜用外之積，以布施救本地之民。奏朕  
未知可否，朕說甚好，且皇貴妃已進助賑銀五千兩。  
朕意甚少，欲待再有進助，一併發出。今見卿等所奏，  
着明早發與該部，差官解彼賑用，其中宮等，朕傳着  
各出所積之貲，以助一時賑用。又卿等欲捐俸薪以  
救濟國用，甚見憂國爲民至意，且待鍾化民奏到，再  
作區處。今諭卿等知。

請寬督辦香草疏

廣西香草

題昨該戶部尚書楊俊民等會臣等於朝房專爲廣西香草一事未奉明旨欲臣等一催臣等看得此物專爲夏天禦暑之用今已立夏在廣西旣未奉

旨無憑解到在該部又恐後時不敢推諉今日願承認辦買或多或少惟皇上之所裁蓋緣此物價值不多而萬里盤送之費多於原價數十倍以此欲通融曲處期於足皇上之用而已原非重大錢糧亦無盡求減免在理無不可通而在臣等亦無不可與

言者伏乞 欽定斤數卽與批允施行

書

與顧冲菴巡撫

述簡

苦心哉遼餉一疏也讀之真使人寸寸腸裂艱危至此而廟堂不思變計抱火厝薪可得久乎新司農多大畧可與言事其兩鎮通融之說則主者必無異詞矣庫金雖不可多得固亦當曲處以濟燃眉至如敎所設最後策則洪陽詹事方共論朝房以爲方今東南大害在盡籠各州縣羨銀輸之內庫而有司復苦

於正糧額外之加添積歲負逋之多累移東補西豈  
得尚有稅銀存庫者袁進士黃博識士也其言尤絕  
痛謂內地括盡只今已肉盡髓枯將來天下之亂必  
起於民窮而不在邊新司農亦頗憂此馬市一時之  
權豈可復用也不佞聞敝州故老有言今日所以年  
荒而米賤者由於銀貴銀貴由官司之解多而用缺  
少米賤則耕農愈無利而田愈荒此亦似有理今太  
倉太僕之儲原不乏目前所急獨內供之貲與四方  
奏免之紛紛耳念言至此真覺兩窮老兄知赤手未

此則國史也

此段論



能補天。則當且寬立題目。由少入多。使言之必可行。行之必可久。而不必取盈於十六萬之額。何如。伏幸  
裁教。

與周二魯尚寶

墾田址首

觀公舉動。畢竟老成。有斟酌。卽如墾田一事。向來人  
抵掌以爲極敝壞。又極可爲。其始終言無地可墾。無  
人可墾者。獨王司馬一人耳。然足下非親見。則恐亦  
不信。以僕言之。且盡心查理一番。中間豈無熟地作  
荒。及隱占侵沒之弊。且旣日間墾甚難。而前撫按之

紛紛奏報墾田。豈得曰非欺也。僕之至愚。雖千慮千  
失。至於策虜。則斷自詭爲不差。今扯酋之決歸。決不  
歸。在數月間耳。決歸則糜之。決不歸則絕之。口稱歸  
而未必歸。則待之。而當事者。邊外多講。一日則邊內  
效虜原爲脩備

可以多脩備。一日不知經畧公。何忤於諸公之事。而  
必欲先敗其功。匆匆以空拳挑戰也。漢過不先。千古  
定論。安危之機。間不容髮。公不記臨別之年。彼時尚  
謂扯酋決當甘言厚幣以求之。今言不甘。幣不厚。羈  
縻恐喝。只在齒舌之間。而言者便以爲辱國。然則郭

中令之握手呼回紇萬歲。豈非千古罪人。而淮海之役。王欽若奮然拘留信使。其功豈不在王。且寇準之上也。富弼苦爭獻納。而及其入對。則請陛下十年不復言兵。蘇氏父子自負談兵赤幟。而其策不過禮之加恭。待之加厚而已。葉中丞膽決有餘。長慮不足。若從其言。遽然革封絕賞。所謂不揣其本而齊其末。一不成事。萬有餘敗。王韶賈似道之覆轍可鑒也。新督帥實不佞所薦。故太宰以爲眼前邈才老成妥當。決無及經畧者。魏公人品則過之。必不肯以前輩爲

鄭下。不如待鄭功有緒而後用之。今魏號至矣。果不出故宰描模之外。且使其疏果保得某處有兵。某處有餉。可以萬舉萬中。則僕當望下風拜之矣。就中虛實一切不管。而第云不分順逆。決意一戰而已。問何以戰。則曰小犯一鎮。禦之大犯合鎮。禦之。且期以數年成功而已。如此。則九邊沸動。內帑一空。而前代征商。摧民之事。起。揭竿斬木之變生。不知魏老能保任無事否也。適李總臺相過。勸且暫緩新督之行。以待經略事定。而公顧欲趣之。使兩賢相聚而爭。堅白安

乎危乎。開市遲遲一說。僕已先爲首。公言有識者。果不異人意。且喜冊立分數。已有七八。使其必變。我復何留。使其必不變。則我又何留。千萬自重。千萬爲國家邊計重。

與房備吾兵道

虜情

外示虜情邊備。鑿鑿破的。向畧陳小疏中。意正在此。大抵節年秦虜之弊。最大一着。是西行假道。而其他受挾弛備次之。今噬臍既不可復追。蓄艾又不可猝得。惟審局下着。漸次脩補。以期桑榆之收耳。若廟堂

先自峻文法多議論則邊臣勢不能徒手搏戰其計必出於欺欺者之計一行則戰者之氣頓沮此愚夫之所能知兼有世宗近事可鑒而不意諸公無端孟浪可笑也僕正在閣中言及兩川建堡議戍一節而問之崔御史則以爲難入衛兵議撤僕大以爲便而張戎政則又極言其不可天下事種種掣肘如此高明旣實見得是不妨力請該臺奏行在廷議論雖多然善均必當從衆也。

與鄭範溪經略

卜首

水泉大捷。部中已據塘報略節上聞。奉有溫旨。不惟借此激勵士氣。亦使翁神意舒展。游刃愈利耳。套虜既大創。度其意不出兩端。或以扯火二酋。是其唇齒相累之人。索性要之。併力拒命。以圖報復。或未捐市賞之利。落得歸罪。火酋自解。此尚可乘其震動。大黨將合未合之交。驟馬驅而緩頰下也。適少年諸公。又倡言虜王必不歸。此亦恐宜急爲諭遣。但要得彼中悔罪畏威。實情實語。則當事者便可毋惜小費。以防狐疑。勃落之變。叙功既已。令該部早覆。早行外示諭。

夷帖此乃回風一箭極得力。若卜酋來輸欵且以計  
縻之。使該邊之裕力。專事兩川。則火酋無能爲也。此  
覆。

與梁霖字贊畫

筆時虜

捧教具悉。兩公籌邊策虜。事事破的。蓋不佞向來陰  
主分別順逆之說。以爲川海卽未必蕩平。而遠交近  
攻。尚可次第措手。乃茲卜酋敗服。火酋逃遁。而順義  
又可保其必歸。諸番又可保其必爲我用。顧反出始  
望之外。不佞誠不知古人當此何如。若就今日見之



亦可謂陸剗水斷。雨驟風驅。赫然旂常之伐已。乃來  
教示以勿虞。道路流言。夫使廟堂而果虞。流言也。則  
諸公有今日哉。顧世情悠悠。如近之望公者。尚欲追  
虜。以爲戰無不勝。不必藉保番之力。嗟乎。士大夫識  
見如此。不肖不憂虜也。憂邊疆諸公。顧畏首尾。未得  
盡行其志耳。來教剖析利害。使人滌耳洞心。何不遂  
以斯言徧曉朝士。懸萬無一失之券。以卒就萬世一  
時之功哉。

與鄭範溪經略

保番

曩時主計者大抵失在假道。而虜無大繫。則勢自不  
得功。番今我乘虜逆。番乘我怒。爲合從擯秦之舉。最  
是勝籌。第此後則當保諸番恃我而能必勝。勝後我  
必能保番而無後憂。方成首尾常山勢耳。

與鄭範溪經略

卜酋

自頃卜酋被創。則朝堂更有一番疑論。或曰虜王爲  
卜酋所綴。萬萬不歸。或曰兩川之虜。且爲其黨報復。  
萬萬不出。不佞因戲謂之。不識諸公向所謂戰者。以  
口啐之乎。以指挫之乎。此博得齒牙間微利。而其中

未嘗不怔怔懼也。有如萬里呼吸。一不效指。而梟鳴鬼嘯。皆操左券以嘗主心。則天下事去矣。捧教乃爲之安枕竟夕。但得東虜成行。則兩川去來。雖未定已。具有九分功緒。總兵本曾摧虜。翁索性委任。責其後功。以國家大事爲重。昔武侯用兵。斬馬謖。用魏延。固英雄所以屈群力也。竊疑燒寺一着。真華陀割癰神手。而虜本以奉佛爲名。聞其先俺酋歸款。原藉佛家權教攝持。今亦似宜毋絕其望。許以建寺于巢牧本境。則無詞矣。適萬僉憲亦自有揭至。稱諸番絡繹內

嚮幾于胡越一家。翁此段方略，決不出班定遠下。而或又以爲收番難矣。保番尤難。昔齊桓建績江黃，後二國被兵而不能救。霸業遂衰。翁亦宜鑒此等。徹首徹尾，使諸番必能爲我，援我亦必能爲諸番。主方可盼長久安靜耳。大抵今日多生議論，以阻壞成功。皆游士不得用者所爲。卽今諸說已破，則又有言火酋終歸于罰服，草草而止。又有言虜王陽以辭款我，而陰召諸酋以八月大舉。此等皆齊東誕謾而老成亦或信之，可歎也。

與李桂亭給事

籌邊

外示籌邊一疏。其料虜情形種種破的。內有云。不必曰虜必東歸。可保太平無事。當思虜或不歸。何以保安疆土。又云。姑羈縻以緩他變。爲久遠之謀。當安靜兵民。爲防禦之策。此聖人復起不易矣。愚請更以兩言足公未發之旨。捨首旣東歸未定。則不妨俟其不歸而後絕之。經略旣欲離火。真于扯首。則不妨俟其再合而後誅之。此大信大威使曲在彼。古嚴尤之策。匈奴郭令公之制回紇。以及趙營平班定遠西略斷。

案班班可攷也。教中一則曰遁辭，一則曰悔罪。夫狼子野心，直患其悍然不遁，且悔耳。苟遁且悔，則彼以詐來，我亦以詐縻而乘其間，以益備戰備。天下後世又誰得而議之。中行說日夜露形謀，漢漢不能誅。季龍等日夜詭形通我，而我反欲誅之，愚以爲此未可易言也。大抵方今之勢，先藏拙而後可鼓勇，先算後而後可圖。前僕觀比來談邊事者多矣，惟足下深識遠見，與尋常不同。聊効所知，以佐思慮之萬一。惟鑒之。

與葉龍潭總督

款貢

邊事安危懸于今日、公所聲罪首惡、卽所以堅和好是已、乃首惡之罪無所歸、遠遺之火真、而偏追論消沮悔禍之擗酋、是愈疑諸虜、而何和好之能堅、革王號斷撫賞在擗酋、未東之前猶有名、今業已播告、離之于火真、而彼業亦稱徙牧內嚮矣、譬之市中群鬪、但患其搆而不離、若黨與自相推諉、乃是解紛一機、又可窮鞠其心曲、要遮其後路乎、大抵今日快心爽口之事、莫如殺虜、然言之易、行之難、以西邊責東易

以東邊任責難。卽如大議革封。則宣大又爲戰場。何  
不遂爲東邊守臣橫行必克之計乎。公能遙策其必  
勝乎。能策其必勝。則異時過河之舉。使誰人任之。夫  
擗首之惡。不加于唐之回紇。彼時以郭令公之威名。  
而奉天涇陽之役。一則下令不得言戰。驅之出境而  
止。一則執酒酌地。稱大唐回紇。各萬歲而止。趙營平  
漢之虎臣。其徘徊長塞。與諸羌相守彌年。而迄亦無  
斬馘。非常可喜之伐。班定遠扼竒立功。而及夫究竟  
持遠之畫。則不過曰塞外蠻夷。本非孝子順孫。水清



無大魚而已。先是經畧之西也。周尚寶聞其欲以空口掣歸捨酋。相與目笑。以爲所操者約而所欲者奢。不如捐數十萬金賂之。綴此一步。可以專事火真。今捨酋綴形成矣。而數十萬金不費。則門下又以求虜辱國笑之。是汾陽營平定遠三賢之所難。而責經畧之所易也。今之論者。必又謂虜易與耳。然何以遂見其易得。非僥倖水泉之二捷耶。捨酋之肯革面受約。東耶。若此者。果誰爲之。夫援人之功。以生意氣。而卽反其事以敗之。古人云。君以爲易。難者至矣。可不爲。

之三思哉。今前後虜書見在。稱獻稱納者在彼。何至反爲中國之笑。卽背後有他如公所聞。然堂堂天朝之體。斷無以孝子順孫。責犬羊異類者也。彼以詐來。我亦以詐縻。防之如防虎。嚇之如嚇鼠。則邊境安矣。當王安石賈似道之閒邊。其言未必不以貽笑爲耻。而卒之笑者一時。痛哭乃在萬世。以公純忠憂國。猛氣吞胡。固知其必不至此。然好謀而成。先師炯戒。美成在久。莊子格言。卽今火真雖逸。而西邊信地。當爲之事甚多。如收番保川二着。已足令門下饜事。至于

局外規恢。請俟廟堂。以全邊相委。乃爲所欲爲。未晚也。外諭火噐真禦虜長技。李生門下。旣知此人。請自以尺一召之。非僕所敢知矣。郭太守當卽如議起用之。亦曾聞貴鄉梁副郎緒言否。此公在京之論。頗不許。經略旣與之同事。乃嘆服不容口。來教謂慎勿聽邊臣。則公亦邊臣也。可盡疑乎。臨書不勝肺腑相成之切。惟鑒之。

與梁霖宇贊畫

虜情

捧教不獨見公籌邊之略。且爲人謀而忠。自爲謀而

正不佞之知公。方自此始耳。空舟蕩海。此局外忘氣之談。言者甚易。行者甚難。乃茲仗足下與經畧同心半載之間。如分理亂絲。頭頭成緒。此功亦不細矣。顧目前又有一種惡成喜敗。伐異黨同之徒。雜然獻疑。或曰兩川目前雖無虜。而水長草盛之候。必復大舉。扯酋雖暫離西海。而遷延肅州境上。必有後圖。非盡殺不創。嗟乎苦哉。當事之難也。雖營平定遠復生。必不能逃畏懦觀望之譏。不佞請以安危卜之于天耳。來教謂天下事。未有爲之而無成者。胆力甚壯。然教

尾又有是非毀譽窮通得喪之說。夫是非毀譽窮通得喪，豈與事之成敗判為兩途者，有如為之而是人必以為不是，白簡朝投，金牌夕下，則即使三公持行視聽如一身，是則是矣，能保必成否，故不佞竊謂方今邊臣，一面禦外，亦當一面禦內，堅白之論，不妨與此邊臣所以維也精神意氣全明白折證一番。以堅朝聽，况經略所處，原與足下不同。若手足繫縛，狼戾敗事，則將來更有何人任責。足下姑勿以已律人，盡付道傍口語于度外可也。閱視公有志有操，而恐其先入意氣之言，公當稍從中。

定計定理曉之收番之爲石畫何疑然平時試加于虜以茶馬聽屬之而有餘。有如一且虜加于番。而番爲我交患。則不識控拳解鬪之計將安施。而費將安出也。希更深思。

與李提督

朝鮮駐師

我軍天時地利未便。而賊據堅城。食積粟必無內薄。登埤之理。是以明詔諭公等進止。今已燒賊積聚。則我得勝算矣。正宜聚器械。保資糧。撫循將士。時出奇以撓之。此坐而制敵之策。朝廷不責公以速戰也。

卷之二  
五  
駐師異域。惟在行陣和睦。優劣得所。勿令麾下侵偏。  
禪勿令華人奴虜。朝鮮吏士是所望於大將者耳。春  
汛方急。恐賊當益兵。惟持重以待之。倭奴臨陣。一步  
百計。不可輕也。

與宋桐岡經略 叙功

海外之功。誠倍於寧夏。門下所爲勞心焦思而籌。與  
將士之飲血暴骨而爭者。誠不可以薄報。顧今寧功  
甫叙。遼師未班。似不如少待。王京寇退而後論功。尊  
疏尚可及止否耳。楊袁二公。寃抑可憐。會上方怒。驟

叙之委爲無益。然袁主政係特遣。又與楊不同。將來恐終當一叙。寧夏功何如。

與宋桐岡論護饗道

論護饗道

今日正有客見過。憂王京之賊。僕應之曰。彼非天神。必資粒食。豈有我飢而彼常飽者。但軍中謹護饗道。會自有不驅而遁之時。正恐遁後。未保將來結局。何如耳。茲奉大教。并函詢來人。具悉窮寇飢疫之狀。而門下且聲且實。已步步中窾。喜慰不可言。至中朝夢語。煩語督撫公。大將在外。其身之不遑恤。何暇論是。



非矣。袁贊畫不識肯幅巾羽扇暫留軍中否。

與宋桐岡經略論邀倭利害

邀倭利害

適主上正有 旨問倭歸的耗。今教至。隨即奏聞。門下苦心焦吻。其明效已睹矣。第追襲一說。已聲聞滿朝。未必無議。愚意欲請禁中 明旨鎮壓之。然在門下只當準備堅硬肩自立于不敗之地。群議有無不足論也。古人千里襲人。謂之危道。觀群賊在途。創建城寨。阻山而居。此必已知我有謀。爲致死格鬪之計。率謹備之。前遮其援兵。後絕其糧道。或可坐困。而又

不審我軍財力。果堪相守否。總須石畫以保全勝爾。

與宋桐岡論撤兵

撤兵

中國戎車不駕久矣。乃者仰仗壯猷。摧方張之猾虜。扶垂亡之屬國。勞苦功高如此。而將士以力擊賊于外。議論者以舌擊任事之臣于內。僕誠不惜動氣與爭。幸得少定。而昨尚有謂倭奴無一人歸國而東征。戰士盡沒者。豈不痛哉。門下此時當自然無疑于僕。

後可成大功

如此則將相和將相和而

而僕于門下更着一分放膽。當吐誠登對。使將來毫無滲漏耳。朝鮮地形真我東北數千里垣墉。留兵之

皇明經世編

王女肅集

卷之二

迎後利者  
撤兵

三

平露堂

談誠封疆至計。至于不佞之意。則異于此。蓋以將士  
久住外國。恩不施。則士氣自消。威不振。則如驕子不  
可用。朝廷無所寄其耳目。則三軍之苦樂。不得上  
聞。一也。我軍自負其伐朝鮮。以受敵。必以奴虜侵役  
之。彼不能堪。反忘其大計。而樂吾之禍敗。兩相猜忌。  
何事不生。二也。彼軍怯而善走。倘倭奴復至。必推我  
以爲先鋒。主人先奔。客自沮潰。更加衆寡不敵。樵蘇  
後時。懸軍無繼。大可憂念。三也。至于內帑歲增出六  
七十萬金。蓋其小小者矣。是以頗主撤兵之議。使彼

君臣知亡之無日，苟自爲謀耳。門下以爲何如？

與劉太景贊畫

防守朝鮮

華札始至，亟發讀之，曠然心開，但止辯倭衆不歸，我兵盡復，二次夢語，則中朝原自了了。無可辯，請封一節，經略欲借此行問，公乃欲罷問，却更爲調發兵馬之計。絳禍于彼而磨餉于此，此亡國之形，不肖斷乎不能爲公等保已。君子六千人，有勾踐范蠡輩君臣于上，則可責之必死。今朝鮮何如哉？而我兵客寄孤懸，其聲又且自爲守也，無所德于朝鮮，而厚受困，三

年之後且胥為寇掠乞丐矣何君子之有嗟乎天下

公此時乃為此言耶

已岌岌有識者亦為是言耶必不得已則劉綎未撤

兵使移教中所稱千家庄營田樹菊或可為也而地

非郡縣恐客主之間終不能相安蓋敵鄉有積年板

此彌中善論也

荒田棄于蒿萊者其傍里人徙室廬貸牛具種之禾

甫垂穗而田之舊主紛紛出爭矣此亦東師今日之

勢也

與劉太景贊畫論留屯

留屯

頃讀尊諭於閒田置戍鄙意猶未了了蓋朝鮮阨隘

可以制賊者。宜在烏嶺諸處。此去漢江大同固已遠矣。而况鴨綠乎。若在鴨綠。誠足以張遼左備虜之形勢矣。而去受倭之地。已數千里。雖鞭之長。其及馬腹乎。且所謂三江者。謂漢江與大同鴨綠乎。聞鴨綠江中。有沙渚。人謂之夾江。其地肥腴。而江以內沙渚所界。亦謂之三江。足下所謂空地數百里者。抑謂此乎。抑不知屯田積穀。將使戍士任之。或責之朝鮮臣民自任也。留兵一萬六千人。經略所規軍食之費。則中國當六之五。而朝鮮供一焉。借兵以自衛者如此。無

乃非人情乎。今戶兵之藏俱告匱矣。又增歲費七八十萬。豈可不深計哉。東國雖當殘破之餘。未有數千里內不能供二萬人食者也。若云彼國自當養兵。而兵不足用。何不減去老弱。以奉中國戰士乎。又不然。彼之君臣言及亡國。輒涕泗橫流。此勾踐棲于會稽之時也。豈不能節衣縮食。以救危亡乎。前聞其國諸礦可采。後復報罷。豈慮我之求多。不欲開端也。願足下更詳問之。夫士卒無事。若給以犁牛種食。使之因田致穀。以貿易朝鮮所有。亦必樂之。若欲以此當行。

月糧則恐未然。至于有心者爲之無不可成。誠如尊  
教也。虜備大壞。至于如此。非公不聞此言。聞長昂勾  
引土蠻子。近耗何如。并示之。

皇明經世文編卷之終

皇明經世編

王文肅集

卷之二

留屯

臣

平露堂